

混世虫混世界終日混無寧奈真孔竅人不解尋得着真自在
莫人喜莫人愛無人嫌無人怪不參禪不禮拜不打坐懶受戒
走天涯看世界遇酒喫幾杯遇肉啖幾塊化碗飯塞皮袋尋塊
布遮四大房屋破自家蓋主人公要安泰不登名利場不管成
和敗不欠國家糧不少兒女債他來尋我我無望礙朝遊五湖
邊暮宿青山內頑石當枕頭青天作被蓋虎豹不能侵妖魔不
敢害不覺睡到日頭紅無恐無驚無怖駭從今打破是非門翻
身跳出紅塵外拍手打掌笑呵呵自在自在真自在

迴文詩

橋邊院對柳塘灣夜月明時半戶關遙駕鶴來歸洞晚靜彈琴

道藏輯要

三丰全集

玄要篇上

五

續畢集八

川三六

坐伴雲閒燒丹覓火無空竈採藥尋仙有好山瓢挂樹高人隱
久翳塵絕水響潺潺

金丹詩三十六首

養道飯真

落魄江湖數十秋逢師咬破鐵饅頭十分佳味誰調蜜半夜殘
燈可着油信道形神堪入妙方知性命要全修目俛會得些兒
後忘卻人間萬斛愁

離塵歸隱

一片閒心絕世塵寰中寂靜養精神素琴彈落天邊月玄酒傾
殘甕底春五氣朝元隨日長三花聚頂逐時新煉成大藥超凡

去仔細題詩警後人

掃境修心

紛紛內外景如麻有地馳驅事可誇撒手不迷真捷徑回頭返
照卽吾家六根清淨無些障五蘊虛空絕點瑕了了忘忘方寸
寂一輪明月照南華

力敵睡魔

氣昏嗜臥害非輕纔到初更困倦生必有事焉常恐恐只教心
要强惺惺縱當意思形如醉打起精神坐到明着此一鞭須猛
省做何事業不能成

一求玄關

道藏輯要

三丰全集 玄要篇上

去

續畢集八

一孔玄關要路頭非心非腎最深幽膀胱谷道空勞索脾胃泥
丸莫漫搜神氣根基常恍惚虛無窟裏細探求原來只是靈明
處養就還丹跨鶴游

再求玄關

傀儡當場會點頭應知總是線來抽抽他雖是依人力使我人
抽又孰謀原賴主公常月白期教到處好風流煉丹若要尋冬
至須向靈臺靜裏求

總論玄關

身卽乾坤勿外求虛靈一竅最深幽二三自許同爲侶一四何
妨與共儔五土建中司發育巽風起處定剛柔自從識得還元